

樂章集



# 文華叢書書目

唐詩三百首(二冊)

唐詩三百首(插圖本)(二冊)

宋詞三百首(二冊)

元曲三百首(二冊)

千家詩(二冊)

人間詞話(套色)(二冊)

納蘭詞(套色、注評)(二冊)

杜甫詩選(簡注)(二冊)

李白詩選(簡注)(二冊)

詩品·詞品(二冊)

東坡詞(套色、注評)(二冊)

西廂記(插圖本)(二冊)

古文觀止(四冊)

世說新語(二冊)

夢溪筆談(三冊)

菜根譚·幽夢影(二冊)

菜根譚·幽夢影·圍爐夜話(三冊)

呻吟語(四冊)

陶庵夢憶(二冊)

閑情偶寄(四冊)

小窗幽紀(二冊)

浮生六記(二冊)

文心雕龍(二冊)

傳統蒙學叢書(三字經·百家姓·千字文等)(二冊)

四書章句(論語、孟子、大學、中庸)(二冊)

近思錄(二冊)

孫子兵法·孫臏兵法附三十六計(二冊)

老子·莊子(三冊)

管子(四冊)

墨子(三冊)

傳習錄(二冊)

天工開物(插圖本)(四冊)

六祖壇經(二冊)

金剛經·百喻經(二冊)

山海經(插圖本)(三冊)

隨園食單(二冊)

曾國藩家書精選(二冊)

歷代家訓(簡注)(二冊)

經典常談(二冊)

絕妙好詞箋(三冊)

李清照集附朱淑真詞(二冊)

樂章集(插圖本)(二冊)

笑林廣記(二冊)

花間集(套色、插圖本)(二冊)

宋詞三百首(套色、插圖本)(二冊)

格言聯璧

辛弃疾集

★為保證購買順利，購買前可與本社發行部聯繫。

電話：0514-85228088

郵箱：yzglss@163.com



其二

參差烟樹灞陵橋，風物盡前朝。  
衰楊古柳，幾經攀折，憔悴楚宮腰。  
夕陽閑淡秋光老，離思滿蘅皋。  
一曲《陽關》，斷腸聲盡，獨自憑蘭橈。

其三

層波瀲灩遠山橫，一笑一傾城。  
酒容紅嫩，歌喉清麗，百媚坐中生。  
牆頭馬上初相見，不準擬、恁多情。  
昨夜杯闌，洞房深處，特地快逢迎。

其四

世間尤物意中人，輕細好腰身。香幃睡起，發妝酒醺，紅臉杏花春。  
嬌多愛把齊紈扇，和笑掩朱唇。心性溫柔，品流閑雅，不

稱在風塵。

其五

淡黃衫子鬱金裙，長憶個人人。文談閑雅，歌喉清麗，舉措好精神。  
當初爲倚深深寵，無個事、愛嬌瞋。想得別來，舊

家模樣，只是翠蛾顰。

其六

鈴齋無訟宴游頻，羅綺簇簪紳。施朱傅粉，豐肌清骨，容態盡天真。  
舞裊歌扇花光裏，翻回雪、駐行雲。綺席闌珊，鳳燈明滅，  
誰是意中人。

其七

簾垂深院冷蕭蕭，花外漏聲遙。青燈未滅，紅窗閑卧，魂夢去迢迢。  
薄情漫有歸消息，鴛鴦被、半香消。試問伊家，阿誰心緒，  
禁得恁無憀。

其八

一生贏得是淒涼，追前事、暗心傷。好天良夜，深屏香被，爭忍便相忘。  
王孫動是經年去，貪迷戀、有何長。萬種千般，把伊情分，顛倒儘猜量。

其九

日高花榭懶梳頭，無語倚妝樓。修眉斂黛，遙山橫翠，相對結春愁。  
王孫走馬長楸陌，貪迷戀、少年游。似恁疏狂，費人拘管，爭似不風流。

其十

佳人巧笑值千金，當日偶情深。幾回飲散，燈殘香暖，好事盡鴛  
衾。  
如今萬水千山阻，魂杳杳、信沈沈。孤棹烟波，小樓風月，  
兩處一般心。





長相思

畫鼓喧街，蘭燈滿市，皎月初照嚴城。清都絳闕夜景，風傳銀  
箭，露襲金莖，巷陌縱橫。過平康款轡，緩聽歌聲。鳳燭熒熒，那人  
家、未掩香屏。向羅綺叢中，認得依稀舊日，雅態輕盈。嬌波艷  
冶，巧笑依然，有意相迎。墻頭馬上，漫遲留、難寫深誠。又豈知、名  
宦拘檢，年來減盡風情。

## 尾犯

晴烟冪冪。漸東郊芳草，染成輕碧。野塘風暖，游魚動觸，冰漸微坼。幾行斷雁，旋次第、歸霜積。咏新詩，手撚江梅，故人贈我春色。

似此光陰催逼。念浮生，不滿百。雖照人軒冕，潤屋珠金，于身何益。一種勞心力。圖利祿、殆非長策。除是恁、點檢笙歌，訪尋羅綺消得。

## 木蘭花

心娘自小能歌舞。舉意動容皆濟楚。解教天上念奴羞，不怕掌  
中飛燕妒。  
玲瓏綉扇花藏語。宛轉香裊雲襯步。王孫若擬贈千  
金，只在畫樓東畔住。



其二

佳娘捧板花鈿簇。唱出新聲群艷伏。  
金鵝扇掩調累累，文杏梁

高塵簌簌。

鸞吟鳳嘯清相續。管裂弦焦爭可逐。  
何當夜召入連

昌，飛上九天歌一曲。





其二

蟲娘舉措皆溫潤。每到婆娑偏恃俊。香檀敲緩玉纖遲，畫鼓聲  
催蓮步緊。貪爲顧盼誇風韻。往往曲終情未盡。坐中年少暗消

魂，爭問青鸞家遠近。



## 其四

酥娘一搦腰肢裊。回雪縈塵皆盡妙。幾多狎客看無厭，一輩舞  
童功不到。星眸顧拍精神峭。羅袖迎風身段小。而今長大懶婆  
娑，只要千金酬一笑。



### 駐馬聽

鳳枕鸞帷，二三載，如魚似水相知。良天好景，深憐多愛，無非盡意依隨。奈何伊，恣性靈、忒煞些兒。無事孜煎，萬回千度，怎忍分離。

而今漸行漸遠，漸覺雖悔難追。漫恁寄消息，終久奚爲。也擬重論繾綣，爭奈翻覆思維。縱再會，只恐恩情，難似當時。

### 訴衷情

一聲畫角日西曛，催促掩朱門。不堪更倚危闌，腸斷已消魂。

年漸晚，雁空頻，問無因。思心欲碎，愁淚難收，又是黃昏。

【中呂調】

戚氏

晚秋天。一霎微雨灑庭軒。檻菊蕭疏，井梧零亂惹殘烟。淒然。  
望鄉關。飛雲黯淡夕陽間。當時宋玉悲感，向此臨水與登山。遠道  
迢遞，行人淒楚，倦聽隴水潺湲。正蟬吟敗葉，蛩響衰草，相應喧  
喧。孤館度日如年。風露漸變，悄悄至更闌。長天淨，絳河清



淺，皓月嬋娟。思綿綿。夜永對景，那堪屈指，暗想從前。未名未祿，綺陌紅樓，往往經歲遷延。

帝里風光好，當年少日，暮宴朝歡。況有狂朋怪侶，遇當歌、對酒競留連。別來迅景如梭，舊游似夢，烟水程何限。念名利、憔悴長縈絆。追往事、空慘愁顏。漏箭移、稍覺輕寒。聽鳴咽、畫角數聲殘。對閑窗畔，停燈向曉，抱影無眠。

